

Mas di 3 kilo di marihuana haya den co'i hunga cu a importa for di Merca

Algo historico

Corso a bira pais mas chikito pa clasifica pa Copa Mundial di Futbol

• Jamaica a dal bala 3 biaha den tubo di gol



KINGSTON: Apesar di e hecho cu e wega entre Corso y Jamaica pa clasificacion pa Copa Mundial di 2026 no tabata tin gol, e tabata un wega hopi emocionante sigur pa e fanaticonan di ambos ekipo.

Corso tabata tin mester di djis un empate pa clasifica pa e Mundial, mientras cu Jamaica si tabata mester di un victoria.

E seleccion di Corso a bataya y a wanta duro y na final a logra un empate di 0-0, cu ta pone cu e ta bira e pais mas chikito den historia pa clasifica pa un Copa Mundial di futbol.

Mester bisa cu Jamaica tres biaha tabata cerca di anota, pero cada biaha e bala a dal den e tubo di gol.

Pa colmo despues di e di 90 minuut Jamaica a haya un penalty, pero esaki a wordo anula pa VAR.

Jamaica por clasifica ainda, pero e mester haci esaki via playoffs di 6 ekipo, di cual 2 ta clasifica pa e Mundial na Merca-Mexico-Canada.

Segun Erick Henriquez- Presidente di SIWA:

Gobierno anterior a haci cambio den e statuto di WEB faltando respet di pueblo inmensamente

• Awo e ta riba mesa pa wak si por cambi'e bek na esun original

Señora Haydee Henriquez, Presidente:

KWF ta anuncia "Ride for the Roses 2025" den colaboracion cu Alhambra Casino



ORANJESTAD (AAN): Koningin Wilhelmina Fonds Aruba (KWF) ta cla pa su siguiente evento cu lo tuma lugar dia 30 di november proximo. E evento ta den colaboracion cu Alhambra Casino cu e meta pa recuado fondo pa e fundacion sigui yuda comunidad di Aruba den e necesidad pa cu e malesa cancer. Señora Haydee Henriquez, Presidente di KWF ta spli-ca di nan ultimo evento pa e aña aki, "Ride for the Roses 2025".

Señora Henriquez ta spli-ca cu "Ride for the Roses 2025" ta un caminata combina cu coremento na pia of bisi-cleta. Esaki ta un

momento cu famianan por uni y participa riba un diadomingo mainta tempran mientras ta colabora na un bon causa. Lo tin ruta pa adulto y pa mucha dunando oportunidad pa tur cu kier, participa. Y na final, esnan cu ta den e necesidad pa haya un masashi di pia, señor Candito y su ekipo lo ta presente pa esaki.

Pa inscribi, por haci esaki dia 22 di November na e foodcourt di Alhambra Casino unda cu miembronan di WKF lo ta presente pa registracion. Tambe por registra y paga e suma di 25 florin online riba e website di Ride for the Roses Aruba. Participantenan por

dorna nan tshirt tambe na honor di nan famia cu a y of ta luchando cu cancer.

"No tin limitacion di participacion. Caminda ta grandi y tin luga pa tur", señora Henriquez a enfatisa. Diadomingo 30 di November, ya pa 7:or di mainta, lo start e "Ride for the Roses 2025" na e parking lot di Alhambra.

Den number di Koningin Wilhelmina Fonds Aruba, señora Henriquez ta gradici Alhambra Casino y e PR Marketing, señora Anni Dirks pa e colaboracion di mas di 10 aña pa e bunita causa pa recauda fondo.

Awe ta Dia Internacional di Derecho di Mucha

ORANJESTAD (AAN): Awe, 20 di November ta honra un fecha di gran poder: Dia Internacional di Derecho di Mucha. Un recordatorio mundial cu tur mucha, sin distincion, tin derecho pa crece den amor, seguridad, educacion, y respet. Aruba, como un isla chikito cu un curason grandi, tin e mes obligacionnan pa proteha e tesoronan di mas sagrado di nos pais: nos yiunan, nos muchanan.

Den un mundo cu ta cambiando asina lihe, nos muchanan mester sinti cu nan tin bos, cu nan por soña grandi, cu nan tin espacio pa desaroya talento sin miedo, sin abuso, sin discriminacion. Derecho di un mucha ta e fundeshi cu ta forma ciudadanonan fuerte, bunita di curason, y cla pa contribui na un Aruba mas husto. Laga nos proteha nos muchanan. Asina nos ta proteha nan futuro y e futuro di nos pais. Inverti den nan bienestar. Nos muchanan tin bos. Scucha nan. E compromiso di tur nacion mester ta uni pa tur hunto sigui traha pa tur mucha por florece den dignidad, fe y speranza pa asina nos por tin un miho mundo.



James Sneek, director di Fundacion Telefon pa Hubentud-131

Mucha y hoben den comunidad mester siña con pa anda cu reto pasobra reto ta parti di bida



ORANJESTAD (AAN): James Sneek, Director di Fundacion Telefon pa Hubentud (131), den entrevista cu Matutino DIARIO a expresa, cu nos no mester bay over na bisa e mucha kico p'e no haci, pero bis'e, splic'e y profila tambe, kico nos ta spera di dje.

“Pasobra si mi kier pa e mucha, e hoben na Aruba, cu ta cana den nos comunidad bisa ‘bon tardi, bon dia, ‘bon nochi’, ‘mi por yuda señora cu e saco pisa eyan’ mi tambe tin cu bay profila esaki. Nos mester ta un ehempel tambe, pasobra nos ta papiando, den e caso aki, sigur den e sector preventivo. E mester keda leu di loke ta curativo. Mester bay splica e mucha, e hoben aki, kico nos ta expect di dje, y no kico nos no kier di dje, anto esey ta un stap grandi cu nos tin cu haci, crea e confianza

cerca e hoben, y e confianza aki bo ta bay crea door di tin un relacion cu ne: e relacion na cas, e relacion den cura di scol, e relacion na clubnan deportivo, y tambe riba caya, por ehempel”, James Sneek a relata.

Sneek a comenta cu e famianan awe no ta mescos cu e famianan di antes, y algo masha importante ta pa nos duna e mucha, e hoben, tempo. El a reitera algo primordial: “Confianza ta hunga un rol hopi importante. Nos tin cu bay over na huzga e mucha of e hoben pa loke el a haci? Of bay compronde di con el a hacie. Esaki kiemen ‘mi ta scucha bo; mi t’ey pa bo, mi tin oido pa bo. Mi no tin un reaccion di biaha riba bo, mi no ta di acuerdo cu bo conducta, pero ami como persona tey pa sostene bo. Esey mi tin cu bay over na bo,

anto e ora ey bo ta bay wak cu e mucha/hoben ta bay tin mas confianza; nos ta ocupa reacciona en bez di scucha e mucha cu e hoben”, Sneek a

señala.

Tur mucha, hoben mester siña con pa anda cu reto, pasobra reto ta parti di bida, ta fortalece bo, ta crea bo tam-

be como persona. Anto nos mester bay sostene e mucha cu e hoben pa enfrenta reto, segun James Sneek, director di 131.

Pensionadonan cu ta ricibi AOV di Corsou, biba na Aruba kier sa si e eventual aumento di AOV ta conta tambe pa nan

**Mescos pa loke ta trata indexering riba AOV Korsou*

ORANJESTAD (AAN) – Rond di e discusionnan tocante AOV di Corsou, Pensionadonan cu ta ricibi AOV di Corsou ta ansioso pa sa si e eventual aumento di AOV ta conta tambe pa nan cu ta biba na Aruba, pasobra costo di bida a

aumenta tur caminda, tambe na Aruba y na un manera drastico.

Tambe e pensionadonan ta ansioso pa sa si nan tambe lo toca e parti di indexering. E AOV no a subi den añanan anterior pa motibo cu a adapta indexa

e pension. Tur e añanan nan a keda atras mientras cu costo di bida ta keda subi.

E pensionadonan ta ansioso pa sa contesta riba e preguntanan aki y ta sigui e desaroyonan di acerca

THE CASINO AT
ST REGIS
ARUBA



PARADE OF PRIZES



Feel the Rhythm. Live the Culture. Win the Prizes.

WIN EVERY
THURSDAY
LIVE CARNIVAL
MUSIC

\$500 IN CASH PRIZES

- FREE TICKETS FOR PRE-FINALS AND FINAL CAISO SOCA & MONARCH 2026
- FREE TICKETS FOR ARUBA'S TUMBA CONTEST 2026

Earn one (1) raffle ticket for every 50 points/ \$25 Theoretical Win.

For more information, visit the Casino VIP Desk or call us at +297 281-2374

Must be over the age of 18 years. The Casino at St. Regis Aruba encourages Responsible Gaming.



CENTRALE BANK VAN ARUBA

Orario di servicio Diamars 25 november 2025

En connexcion cu un reunion obligatorio pa su empleadonan, Banco Central di Aruba (BCA) ta informa cu e lo ta sera pa publico Diamars, dia **25 november 2025** entre **8:30 di mainta pa 12:30 di merdia**. BCA lo ta habri bek pa publico na e horario usual parti atardi entre 1:00 di merdia pa 5:00 di atardi.

Aruba, 20 november 2025
Banco Central di Aruba

Segun Erick Henriquez- Presidente di SIWA:

Gobierno anterior a haci cambio den e statuto di WEB faltando respet di pueblo inmensamente

• *Awo e ta riba mesa pa wak si por cambi'e bek na esun original*

ORANJESTAD (AAN) — Erick Henriquez, Presidente di Sindicato SIWA, ta trece dilanti den entrevista cu Matutino DIARIO, cu Aruba ta den cambio di gobernacion practicamente, y cu hopi contratempo, y mester ta realistico cu esaki.

Riba esaki, e problema De Meza riba mesa, el a expresa. Tambe tin e caso cu prome tabata Herde, awo ta Dowers, pues tin hopi reto.

“Ami ta fiel creyente cu tanten cu bo no tin tanto cambio y no tin garantia pa e shon cu ta sinta, esun cu ta sinta ta casi hacie como un side job. Aunke mi ta sigur cu Dowers ta purba haci su best, cu ta 100% dedica, esaki ta un tiki fastioso”, e lider sindical a comenta. El a agrega cu mirando e desaroyonan cu tin pa WEB, unda tin cambianan grandisimo den e planta tin un nobo cu ta binando pa produccion di awa pa Aruba, pero nan tin cu para keto y tene cuenta cu e trahadornan direct.

“Hopi biaha nos haci cosnan na banda, cu ta proyectonan, pero ki ora nos ta bay dedica na e trahadornan pasobra hopi biaha nan ta acusa nos di hopi cos cu ta molestia e pueblo; e trahadornan tambe ta hende. Nos tin cu para keto wak con structuralmente, nos ta trece esey pa pueblo comprende cu e situacion aki den no tur ora ta facil, e director tin retonan sin duda algun”, Henriquez a bisa. El a agrega cu e director a perde monton di tempo na discuti politica, na lugar di discuti di cosnan den cas, por ehemplo den maneho, dedica na Aruba WEB NV mes su produccion y defende e trahadornan nan posicion.

El a bisa cu e ta spera



cu nan haya tranquilidad, t nester corda bon, di e anochi scur dia cu gobierno a cay, kiermen eleccion 2024 a pasacaba, e ora ey statuto a wordo cambia door di Gobierno anterior, loke e ta hay'e ta un falta di respet inmenso y no tin palabra pa discuti e asunto aki. El a reitera cu esaki a sosode sin papia cu pueblo di Aruba ni cu e trahadornan di e compania, y a reitera cu esaki ta un falta di respet.

“Danki Dios cu nan a haci'e ora cu eleccion a bin, pasobra si no, nos lo a welga. Pero si nos a welga e ora ey bo lo a hacie contra e gobierno actual, cu no tin nada di haber no tin arte ni parte den dje”, Erick Henriquez a remarca. El a menciona cu e cambio ey ta na mesa cu Utilities Aruba NV nobo sinta na mesa, e ta spera cu por logra di cambia e statuto bek na su forma original.

Eduard Pieters (PPA):

Parlamento Hubenil ta un plataforma sagrado pa forma nos futuro



ORANJESTAD (AAN): Diabierna pasa, parlamentario Eduard Pieters di fraccion di PPA, tabata presente na e evento di Parlamento Hubenil den cuadro di Dia Internacional di Derecho di Mucha, cu ta un dia mundial unda ta enfatisa proteccion, igualdad y desaroyo di tur mucha. E fecha tin un peso historico: den 1989 Nacion Uni a ratifica e Convencion di Derecho di Mucha y for di 1990 e derecho fundamentalnan aki a keda reconoci mundialmente como base pa bienestar y futuro di cada mucha y hoben.

Derecho di Igualdad y Enseñansa apropiada: Durante e encuentro, Eduard Pieters a pone enfasis riba dos derecho cu ta fundamental y cu ta profundamente conecta cu e labor di Eduard Pieters:

(1) Derecho pa trato igual – Ningun mucha no por worde discrimina riba idioma, rasa, religion of origen. Igualdad no ta un luho; e ta un derecho.

(2) Derecho pa educacion apropiada – Cada mucha mester haya enseñansa digno, accesibel y adapta na su realidad linguistico y social.

Segun Pieters, derecho pa educacion y trato igual ta forma e base pa un comunidad husto y pa cria un generacion cu por crece den dignidad. “E derecho pa educacion apropiada ta hopi cerca di mi curason,” el a bisa durante e evento.

Mas cu djs politica: Fraccion di PPA ta expresa gran

aprecio pa e trabao cu Parlamento Hubenil ta realisa. E invitacion pa participa den e actividad di diabierna no tabata solamente algo simbolico. Esaki tabata un recordatorio di e rol sagrado cu Parlamento Hubenil tin den forma un pueblo.

Parlamento Hubenil no ta simplemente un proyecto politico; e ta un plataforma pa: desaroya pensamento critico, fortalece liderasgo hubenil, siña tocante civismo y responsabilidad y practica un cultura di participacion activo den bo comunidad.

PPA ta compromete pa sigui sostene e programanan y motiva mas hoben pa tuma parti den e workshopnan, como tambe e simannan di formacion y e sesionnan educativo cu Parlamento Hubenil ta brinda.

Reflexion nacional dia 20 di november: Den henter e siman aki, varios fundacion y instancia lo haci actividad relaciona cu 20 di november pa conmemora Derecho di Mucha. Esaki ta un momento pa mira nos mes den e spiel: Con Aruba ta trata nos muchanan? Con nos ta protega nan? Nos ta scucha nan?

Eduard Pieters a manda un mensahe poderoso pa e hobennan presente: “No sucumbi pa presion di hende grandi si loke nan kier di bo ta contra loke ta husto. Sintibo fuerte. Papia cla. Defende bo derecho.”

Y e mensahe cu Eduard Pieters ta manda pa nos adultonan ta, cu e responsabilidad ta mes grandi. “Cada adulto mester conoce e 10 derechonan fundamental di mucha, como adulto nos mester empodera nos yunan pa nan sa cu nan bos tin balar, percura pa crea un ambiente cu yiu por crece sin miedo y lucha contra corrupcion, e abusonnan di poder y nepotismo pa duna nan un futuro limpi.”

Finalmente Eduard Pieters kier enfatisa cu nos como adulto y mayor mester percura pa protega nos muchay hobennan di Aruba. Fraccion di PPA ta reafirma su compromiso pa sigui defende nos hobennan, sigui scuchanan bos y sigui traha pa un pais unda tur yiu por crece cu dignidad y igualdad. Nos hobennan ta futuro di nos pais. Nos obligacion ta pa guia, proteha y duna nan espacio pa desaroya y briya optimalmente.

Tres sospechoso condena

Mas di 3 kilo di marihuana haya den co'i hunga cu a importa for di Merca



O R A N J E S T A D (AAN):Corte di Husticia a trata e caso penal cu Ministerio Publico a cuminsa contra e hombernan G.V. di 29 aña, J.M. di 31 aña y C.L. di 27 aña, kendenan ta worde acusa cu riba 23 di Juni 2025 a importa marihuana scondi den co'i hunga. Hues a confirma e castigo combina cu Fiscal a exigi pa e hombernan J.M. y C.L. y a baha e castigo di prison pa e homber G.V., kende ta worde considera como e organizador.

Marihuana scondi den co'i hunga: Hues a mostra cu segun e relato di Polis, Douane riba 23 Juni 2025, a confisca 4 bulto di marihuana cu tabata scondi den un frishider di co'i hunga. E 4 bultonan a pisa 1.962 gram. E frishider tabata riba number di C.L.

Ta asina cu C.L. a admiti cu e tabata sa cu ta droga. El a bisa Hues cu door cu amigonan a pidi'e, el a haci'e. El a bisa cu el a haya instruccion di G.V., kende el a mira un biaha so. Nan a ofrece 500 Dollar pa trece e marihuana. C.L. a bisa Hues cu el a actua hopi bobo. El a bisa cu su trabao tabata pa bay busca e frishider di co'i hunga. Ora el a bay busca e pakete, el a worde deteni y su smartphone confisca.

Hues mostra cu e mesun dia a detene J.M., kende a bay busca un stoof di co'i hunga. Douane a haya 2 rol di marihuana scondi den e stoof cu a pisa algo mas di 1.400 gram. Segun J.M., e no tabata sa cu tabatin marihuana den e stoof di co'i hunga. Hues a remarca cu tur dos importacion di marihuana, a worde haci mesun cos. Ta asina cu J.M. conoce G.V. y nan a yega di worde deteni pa marihuana. Tambe cu nan a yega di viaha hunto bay

Merca. Hues ta haya cu e ta parce cu ta J.M. y G.V. a importa e droga. J.M. no kier a duna contesta riba esaki.

Hues a bisa cu G.V. a bin den e caso aki door di informacion cu a haya for di smartphone di C.L. Segun G.V., el a haci un fout door di acerca C.L. pa busca marihuana pa un hende. C.L. lo mester a duna G.V. e droga y G.V. lo entrega e persona e droga. Hues a puntra G.V., kende e persona cu mester a haya e droga ta. G.V. a bisa Hues cu e no ta bay menciona number.

El a sigui bisa cu e no tin nada di haci cu J.M. su cargamento. El a bisa cu nan ta amigo for di tempo di school.

Ta asina cu C.L. y J.M. a worde laga liber despues di algun luna cera. G.V. te ainda ta encarcela. Hues a mostra cu J.M. na 2024 a haya condena pa droga. G.V. na 2022 y 2023 a haya condena pa droga.

Fiscal: Fiscal a bisa cu den e frishider di co'i hunga a haya casi 2 kilo di marihuana y den e stoof di co'i hunga casi 1.5 kilo di marihuana. Fiscal a sigui bisa cu C.L. a admiti cu e lo worde paga 500 dolar for di G.V. pa busca e frishider di co'i hunga cu marihuana cu a bin riba C.L. su number. J.M. ta desmenti di sa algo di e droga den su stoof di co'i hunga.

Fiscal a cuestiona actitud di J.M. den Corte, kende ta haci uso di su derecho di silencio pa no papia. Fiscal ta haya cu ta J.M. a importa e marihuana hunto cu un otro for di America.

Na opinion di Fiscal, G.V. ta e persona di contacto di C.L. G.V. tabata duna instruccion y ta mas bien organiza e importa-

cion di marihuana. Pa cu e castigo, Fiscal a bisa cu e ta tene cuenta cu C.L. a coopera cu e investigacion. El a exigi pa C.L., 240 dia di prison di cual 150 dia ta condicional cu 3 aña prueba. Pa J.M., Fiscal a exigi 360 dia di prison di cual 266 dia ta condicional cu 3 aña di prueba. Pa G.V., Fiscal a exigi 18 luna di prison. Abogadonan

a trece nan defensa y mr. Canwood a cuestiona postura di Fiscal cu a exigi 18 luna pa G.V. Segun e abogado, Fiscal ta sospecha cu G.V. lo ta involvi den e caso di J.M. pero no ta asina. El a pidi Hues pa duna G.V. castigo igual cu e otro. Castigo: Hues a sera tratamiento di e caso y a dicta sentencia di biaha. Hues a bisa cu Douane

a intercepta e marihuana y e paketenan ta riba number di C.L. y J.M. Ta asina cu C.L. a admiti y bisa cu ta G.V. a bis'e. J.M. ta bisa cu e no sa di e droga.

Hues ta haya tur tres culpabel. Hues a confirma e exigencia di Fiscal pa C.L. y J.M. Hues a bisa cu G.V. ta un recidivista y a baha e castigo na 15 luna di prison.

MI STORIA den Sector Hotelero

a cuminsa como
Steward y mi a crece
bira Head Chef na
TRYP by Wyndham.

Josephine Sugmayao



AHATA
ARUBA HOTEL & TOURISM ASSOCIATION



CASHLESS BLACK FRIDAY!

TCL

WEEKEND EVENT NOV 21-22

SHOP AND WIN A FREE
50" SMART TV THIS WEEKEND

UP TO

50% OFF

SELECTED ITEMS

10% OFF

ON ALL TCL ITEMS!

OPEN TILL 6 PM
AMC UNICON MEGA STORE AND SAN NICOLAS
MUSIC, DRINKS, SNACKS AND DISCOUNTS

BEST PRICES OF THE SEASON

Dennis Burke Presidente di Centro di Bario Playa Pabou:

Ta invita tur mucha na e actividadnan en conexion cu Dia Internacional di Derecho di Mucha

ORANJESTAD (AAN): Awe, 20 di November, Dia Internacional di Derecho di Mucha, pa 3'or di atardi, Centro di Bario Playa Pabou ta invita tur mucha pa bin goza di actividadnan cu nan a organisa manera costumber.

Pa 24 aña, cu excepcion di 2020 door di Covid, Centro di Bario Playa Pabou ta organisa actividadnan dia 20 di November en conexion cu Dia Internacional di Derecho di Mucha. Señor Dennis, Burke Presidente di e Centro, ta splica cu e entrada lo ta gratis y lo tin diferente wega pa mucha. Y manera ya ta tradicion, Sinterklaas y su Pietnan tambe lo ta presente y lo drenta bou animacion di un brass band y



un grupo di baile pa 6'or di atardi.

Señor Burke a splica DIARIO con e programa lo ta hinca

den otro pa asina segura cu tur mucha goza henter dia. For di 3'or pa 6'or PM, muchanan por hunga y disfruta di tur e weganen, entre otro trampoline y pool. Muchanan ta wordo pidi pa trece serbete y paña pa cambia. Y despues di 6'or e programa lo cambia y gruponan di baile y solistanan hubenil lo duna presentacion di mas o menos dos ora.



Hospice Atardi

Seminar TOTAL CARE

en de rol van complementaire zorg in de palliatieve fase

Op 6 december organiseert Fundashon Hospice Atardi een tweede seminar over palliatieve zorg, met dit jaar als thema: Total Care.

Dit jaar hebben we, naast lokale sprekers (onder meer dr. Kordes – oncoloog, dr. Kingsale – psychiater, Peter Paul Hermans – oud voorzitter Hospice Atardi, Lenny Geervliet – senior maatschappelijk werker), een speciale gastspreker uit Nederland uitgenodigd, Cindy Draaisma – VPTZ coördinator thuisinzet en Complementair Therapeut.

Zij komt haar kennis en kunde over Complementaire Zorg in de palliatieve fase met ons delen.

Dit seminar is bedoeld voor huisartsen, verpleegkundigen werkzaam in de palliatieve zorg/oncologie, specialisten en het Hospice- team.



6.12.2025



9:00-15:00

U BENT VAN HARTE WELKOM!

Uiterlijk **28 november 2025** aanmelden via info@hospiceatardi.com.

Vermeld aub uw naam en functie.

Voertaal: Nederlands/Papiamentu

Deelname is gratis!

Minister Wendrick Cicilia a anuncia cu Carubbian tey bek awenochi na San Nicolas



ORANJESTAD (AAN): Minister di Turismo, Transporte y Labor, mr. Wendrick Cicilia, orguyosamente ta anuncia cu Carubbian Festival ta oficialmente back den e cayanan di San Nicolas. Esey ta awe Diahuebs 20 di November den oranan di anochi, San Nicolas lo bolbe haya un bida cu musica, cultura y e ambiente vibrante cu ta haci Aruba unico.

E prome edicion ta trece un line up emocionante cu ta priminti un anochi inolvidabel. E stage na entrada lo tin grupo 'Touch of Steel'.

Na Stage principal lo tin DJ Eli, N' Fuzion, Tsunami, DJ Sky, y Groove Masters.

"Carubbian ta representa comunidad, cultura y e curason di San Nicolas. Nos ta entusiasma pa yama tur hende bonbini back pa celebra hunto", asina Minister Cicilia a expresa.

Ta curasha e publico pa yega trempa, trece nan miho vibe y disfruta di un anochi yena cu ritmo, sabor y energia di nos isla.



STATEN VAN ARUBA
OPENBARE VERGADERING OP 24
NOVEMBER 2025 OM
09:00 UUR V.M. IN DE VERGADERZAAL
VAN DE STATEN VAN ARUBA

TE BEHANDELEN ONDERWERP

Agenda:

1. Ontwerp-landsverordening tot vaststelling van de begroting van de Raad van Advies voor het dienstjaar 2026;

2. Initiatief-Ontwerp-landsverordening tot vaststelling van de begroting van de Ombudsman van Aruba voor het dienstjaar 2026;

3. Initiatief-Ontwerp-landsverordening tot vaststelling van de begroting van de Algemene Rekenkamer voor het dienstjaar 2026;

Initiatief-Ontwerp-Landsverordening tot vaststelling van de begroting van de Staten van Aruba voor het dienstjaar 2026

De Griffier,
mr. drs. Herman Ch. J. Hek

Director señora Gianaika van der Biezen:

FPNC a haci hopi cambio durante 2025 y a ehecuta mas proyecto cu e añanan anterior

ORANJESTAD (AAN): Gianaika van der Biezen, Director di Fundacion pa Nos Comunidad (FPNC), den entrevista cu Matutino DIARIO a duna di conoce cu, durante e aña aki, FPNC tabata tin hopi cambio y tambe nan a ehecuta mas proyecto cu den e añanan anterior.

“Pero semper pa fin di aña nos tin retonan pasobra nos kier agrega mas producto e pakete cu nos ta entrega na

famianan. Anto esey ta uno cu nos ta trahando cu ne awo-raki, pa acerca comunidad y tambe comerciante, donantenan cu ta dispuesto na contribui, pa haci esaki posibel”, van der Biezen a relata.

E dama a agrega cu pa luna FPNC ta yudando 350 famia cu dependiendo di con grandi e constelacion ta, individual bo ta conta entre 900 cu 1000 famia, pero nos proyectonan a bay hopi bon e aña aki, cualnan ta: Back to school, Cumpleañero contento, cu ta haci cu por duna un aporte extra na e famianan cu tin e necesidad di e sosten aki; anto, esaki e aña aki, a bay hopi bon.

E famianan cu ta busca ayudo cerca e fundacion ta cambia. E idea ta cu nan ta yuda temporalmente, y otro famianan ta bin acerca, depende di e motibo cu nan tin pa pidi ayudo. “Nos ta yuda hendenan cu, por ehemplo, a perde un trabao, of cu na e momento ey tin un debe inespera cu a bin, of malesa



a toca porta, dus, ta diferente motibo”, director di FPNC a splica.

El a agrega cu hopi biaha a traves di un trayecto di participacion of un plan cu ta traha pa e cliente, ta purba cu e persona aki no ta keda semper den e sistema di banco di alimento. Hunto cu otro colaboracion y otro organizacionnan nan ta purba di haci

esaki posibel. “E diferencia ta cu ora nos tin algun adulto mayor cu ta den e sistema, nos no ta traha ningun plan pasobra ya nos sa cu esey ta bay keda nan entrada, temporalmente, anto esakinan ta esnan cu si ta keda den e sistema cu ta mas largo, pa haya ayudo”, Gianaika van der Biezen a señala.

Ludwina a gana 15 mil cu wega di Zodiac



ORANJESTAD (AAN): E ta un wega cu tur dia tin hende cumprando. Recien ta Ludwina a gana cu e sorteo di Zodiac, y pesey el a acudi na oficina di Lotto pa reclama su premio.

Aki e funcionaria a revisa su ticket pa check si el a pone su firma parti patras di ticket, hunto cu e numbernan di su cuenta di banco. Ora di scan e barcode, e computer di Lotto mesora a confirma cu Ludwina a gana 15.000 Florin cu e sorteo di Zodiac Merdia.

Mesora a pasa e premio electronicamente pa su cuenta di banco. Ludwina a indica cu e ticket ganador el a cumpra na Tele Uno 3.

Columna E Sembrado



Diahuebs 20 november. Di trinitres siman den tempo ordinario aña 2025. Ciclo C
Calendario Liturgico

Lectura: 1 Macabeonan 2, 15-29;
Salmo: 50;
Evangelio: Lucas 19, 41-44;

Segun nan tabata yega cerca y Hesus a mira Herusalem, El a yora pa e ciudad ey. Lucas 19, 41

E Evangelio di awe ta bisanos cu Hesusora cu Ela yegacerca di Herusalem, mirando e ciudad, Ela cuminsa y ora y a pronuncia palabranan cu tawata manera ‘vislumbra’ un futuro hopi scur pa e ciudad, capital disu pueblo. Hesus ta yora, paso E ta stima su patria, su pueblo, e capital di su tera, e tempel. E tayora paso E sa cu tur cos lo ser destrui pa culpa di e pueblo mes cu no sa acepta e caminda cu lo por hiba nan napaz.

Hesus a pronostica destruccion di Herusalem ora cu El a bin pa trece paz pero esaki no a ser reconoci ya cu e tawata scondi. Si nos tira un bista atras, tin momentonan den cual nos no ta reconoce e bishita di Dios den nos bida y tempo, incluso oranos ta scucha pero nos no ta atende su bos. Laga nos resa pa probecha bon e tempo y oportunidadnan cu ainda ta keda nos.

Oracion: Papa Dios no laga orguyo, miedo of e mara na lo material cera nos curason pa bo mensahe pa medio di Cristo nos Señor. Amen.

Grupo Centro Pastoral

Casonan Penal pa wordo trata den Corte di Husticia na Aruba

Casonan di Diabierna 20 November 2025



Horario	Sospechoso	Acto Castigable
8:30 am	L.L.D.S.	Sospechoso D.S. ta wordo acusa di abuso sexual di menornan di edad riba 28 di November 2024.
9:25 am	J.P.F.	Sospechoso F. ta wordo acusa di posesion di pornografia infantil riba 15 di Juli 2023.
10:00 am	D’A.H.A.	Sospechoso A. ta wordo acusa di maltrato serio riba 26 di Februari 2025 y riba 26 di Mei 2025.
11:00 am	M.J.F.	Sospechoso F. ta wordo acusa di maltrato y destruccion riba 15 di December 2024.
1:30 pm	S.O.d.C. M.A.S.R. E.S.V.A. K.G.M.F.	Sospechoso R. y F., y sospechosonan femenino d.C. y A. como grupo ta wordo acusa di desfalco, estafa y labamento di placa den e periodo di 2017 te 30 di Mei 2023.
2:00 pm	R.R.B.	Pro Forma: Sospechoso B. ta wordo acusa di a viola su mesun casa riba 10 di Augustus 2025 y tambe di a dal’e intencionalmente varios biaha cu un smartphone of mokete na su cara y cabez, cu lesion grave como consecuencia. E ta wordo acusa di a secuestra e casa riba 10 di Augustus 2025 dor di rank’e y tene cu forza, lastre riba flur, tene den un yabi di inmovilisation, cera porta na lock y kita su smarthone.
2:00 pm	A.J.J.R.	Pro Forma: Sospechoso R. ta wordo acusa di a hinca un persona ocho biaha cu un cuchio na su zij, cabez, schouder, elleboog y/of braza, cu e intencion di tuma su bida, riba 12 di Augustus 2025.

ORANJESTAD (AAN): For di Ministerio Publico, esaki ta e lista di caso penal cu lo wordo trata riba Diabierna 20 November

2025 den Sala di Corte di Husticia na Aruba. E informacion aki a wordo suministra door di Ministerio Publico.

Orguyo Local:

Universidad a reconoce Studiantenan pa nan investigacion impactante y nan sosten di Comunidad

ORANJESTAD (AAN): E ceremonia anual di reconocimiento na Universidad di Aruba (UA) a premia e studiantenan mas sobresaliente, poniendo luz riba nan excelente investigacionnan y nan conexion fuerte cu e comunidad local. E reconocimiento presenta den un asociacion cu companianan prominente, ta musta e calidad halto di trabao academico cu ta worde haci y e valor inmediato cu e ta trece pa negoshi di Aruba y e panaroma social.

Universidad cu orguyo ta enfatisa e modelo cooperativo: cada estudiante premia ta worde selecta pa su facultad, hunto cu e compania cu ta sponsor. E asociacion unico aki ta sigura cu e investigacion aki no ta solamente riguroso academicamente pero cu e ta directamente relevante pa e necesidadnan di e comunidad empresarial, ofreciendo un integracion impecabel di talento local halto den forsa laboral.

Celebrando Logro y Enfokete riba Comunidad: E ceremonia ta pone spotlight riba e studiantenan cu a atende cu e problemanan mas crucial riba varios tereno:

(*) FHTMS (Hospitality and Tourism): Laurene Croes a worde honra pa su estudio oportuno, "Between Taboos and Trust: Factors Associated with Parental Willingness to Support Sex Education in Schools in Aruba." Su supervisor, Dr. Rosabelle Illis, a remarca cu e trabao di Laurene a bay mas leu cu topiconan tipico di turismo, estimulando compromiso publico significativo y combersacion riba un problema social esencial.

Laurenne cu a completa su pasantia na Cas Bon Development Group y cu ta traha awa ey como Asistente Ejecutivo, a worde gesponsor orguyosamente door di Aruba Tourist Authority. Celebrating Achievement and Community Focus.

(*) FEF (Finance and Economics): E premio ta reconoce e dedicacion y trabao meticuloso di K.D., cu su tesis, "A Process Analysis of Accounts Receivable at the Aruba Chamber of Commerce and Industry," cu a ofrece solucion practico pa mehora operacion. Su supervisor a destaca K.D.



su naturalesa respetuoso y e preguntanan profundo cu e ta haci. Ernst & Young and Pelican Adventures a sostene e premio aki generosamente.

(*) SWD (Social Work & Development): Rose-Anne Winklaar a ricibi e premio pa su investigacion riba "Knowledge, Attitudes, and Perceptions of Parents Regarding Child Risk Factors for Children Aged 0-5 at Carnival Events in Aruba." Un mama dedica y un siñado pa bida, Ross-Anne su compromiso cu husticia social y su biahe profesional continuo na Departamento di Integracion y Maneho di Stranhero a encarna e espiritu di e programa di SWD. Su logro a worde gesponsor door di Setar.

Universidad di Aruba ta sumamente orguyoso di menciona cu Rose-Anne Winklaar su reconocimiento a bay mas leu cu e premio cu el a ricibi e nochi aki. Su tesis a worde acepta pa publicacion den e revista, Caribbean Languages and Culture Volumes, edita door di Dr. Nick Faraclas. UA ta felicita Rose-Ann Winklaar di curason cu e logro grandi aki. Ta duna UA mas motibo pa elogia y celebra nos studiantenan, ora mira cu apenas nan a gradua y ya nan tin publicacion den un revista internacional di e nivel aki.

(*) OGM (Organization, Governance & Management): Gillmar Werleman a worde reconoci pa su estudio critico, "Understanding the barriers and simulators for youth participation: a qualitative case study in the Parlamento Hubenil Aruba." Gilmar a worde elogia pa su acercamento energetico, su pensamiento critico, y su curiosidad fuerte. Setar y RBC a sponsor su premio.

(*) FDR MA (Law): Jose Henriques Reyes a worde honra pa su tesis compleho, y bon estructura riba e revision huridico di detencion di strahero, "Het toetsen van vreemdelingenbewaring." E comite di evaluacion a destaca su utilidad directo y su relevancia pa e practica huridico di Aruba. Orde van Advocaten van Aruba orguyosamente a sostene e premio aki.

(*) SISSTEM MA (Science, Technology & Engineering): Tony Sebold a ricibi e premio pa su tesis, "Island Scale Observation of Coastal Ecosystems: Equitable Scientific Instruments for Monitoring Mangroves in Aruba." Anthony su trabao a resalta como un acercamento innovado di monitoriamento di medio ambiente di poco gasto, promoviendo sostenibilidad y cooperacion di comunidad. Setar a sponsor su premio.

(*) SISSTEM BA: Joel Rajnherc a trata e problema di desigualdad di idioma den tecnologia den su tesis, "Speech-to-Text Model for keyword spotting applications in the Papiamentu language within a healthcare environment." Creando un cuadro di trabao funcional pa por incorpora Papiamentu den e aplicacionnan di IA, Joel a impulsa preserva-



cion cultural y acceso igual den cuido medico. E trabao importante aki a worde gesponsor door di Amsterdam Manor.

Un reconocimiento pa mentorado: Universidad a extende tambe un sincero gradecimento na tur supervisor di tesis, kende cu nan trabao excepcional di mentororia tabata fundamental pa guia e studiantenan na e nivelnan di exito academico halto aki.

E premionan aki ta un recordatorio poderoso cu inverti den educacion local y forma aliansa solido cu industria ta e yabi pa construi un futuro vibrante y innovado pa Aruba.

ALMANAC	
Bahada y salida di solo na Aruba —20 November 2025 Solo ta baha: 6:11 p.m. —21 November 2025 Solo ta sali: 6:41 a.m.	Lista di Crusero di bishita na Aruba —Diahuebs 20 Nov. 2025: AIDA Sol: (08:00 - 18:00) Caribbean Princess: (09:00 - 22:00) —Diasabra 22 Nov. 2025: AIDA Perla: (09:00 - 22:00) Royal Clipper: (09:00 - 18:00) —Diadomingo 23 Nov 2025:

REGISTRO DI TEMPERATURA Y CUANTO AWACERO A YOBE ROND DI ARUBA

For di DIAMARS 8'or mainta te DIARANSON 8'or mainta:

•• Temperatura registra na Aeropuerto, Aruba:
 —Maximo: 32° C. Yobida: 0.2 mm.
 —Minimo: 26° C.

•• Temperatura registra na Westpunt, Aruba:
 —Maximo: 32° C. Yobida: 0.3 mm.
 —Minimo: 26° C.

•• Temperatura registra na Santa Rosa, Aruba:
 —Maximo: 32° C. Yobida: 0.2 mm.
 —Minimo: 27° C.

Landray Gomes y Jeaven Lanting a bira Prins y Pancho Hubenil 2025

ORANJESTAD (AAN): Rondona di ambiente den Centro di Bario Dakota Diasabra ultimo, SMAC a corona Aruba su Prins & Panchonan pa Carnaval 72.

Tabatin en total 4 categoria pa Prins y Pancho e anochi aki.

Aki DIARIO ta presenta resultado di eleccion di Prins y Pancho Hubenil, y e tabata lo siguiente:

E ganadornan a bira “Prins M’a”, esta Landray Gomes y “Pancho Bisa-ba”, Jeaven Lanting, nan ta representando TOB/Kiwanis Builders Club.

E duo aki a pone hendenan hari cu nan chiste y presentacion riba escenario, y a aglomera bon punto cerca huradonan.

Un palabra di pabien ta bay na e duo, y tambe nan preparador, y na nan organizacion di TOB.



Kirenzley y Maison a bira ganador di Prins y Pancho Infantil 2025



ORANJESTAD (AAN): Rondona di ambiente den Centro di Bario Dakota Diasabra ultimo, SMAC a corona Aruba su Prins & Panchonan pa Carnaval 72. Tabatin en total 4 categoria pa Prins y Pancho e anochi aki.

Aki DIARIO ta presenta resultado di eleccion di Prins y Pancho Infantil, y e tabata lo siguiente:

E ganadornan a bira “Prins Ami”, esta Kirenzley Petit y “Pancho Abo”, Maison Götz, representando Dushi Carnival Group.

Palabra di pabien na e dosnan aki cu a presenta un bon show, y a ricibi hopi aplauso di e publico cu a keda para riba nan pia durante henter e evento.



**RESULTADO DI SORTEONAN
PA CORTESIA DI CADENA ALEXANDER
DIARANSON 19 NOVEMBER 2025**

DIARIO			
8498	6770	MERDIA 7509 3887 9862	ANOCHI 9277 6881 2265
0698	2335	MULTI- X X2 X2	
0779	6867		
MERDIA 7803	ANOCHI 4067	MERDIA 446 X3	ANOCHI 446 X3
		MERDIA 4225 X2	ANOCHI 6189 FP
8459			
02-04-08-12-17			

LOTTO

E LOTERIA DI ARUBA

— Resultado Diaranson 19 November 2025

03

09

10

24

26

1^{er} Premio: No tin ganador Jackpot

2^{do} Premio: No tin ganador Match 4+

3^{er} Premio: Tin 6 ganador Match 4

4^{to} Premio: Tin 239 ganador di Afl. 12,00

Joker
07

Proximo sorteo **22 NOV 2025**
Afl. 4,00 pa ticket
AFL 320.000,00

1 Premio: 5 Bon

2 Premio: 4 Bon + Joker **Por yama 583-4475 pa haya e resultado.**

3 Premio: 4 Bon

4 Premio: 3 Bon

Letter ganador pa ticket gratis: **(D)**

BUSCA PALABRA

R	O	Z	A	L	O	G	L	A	B	A	O
E	E	W	O	A	D	R	F	A	F	T	A
A	O	A	E	A	E	D	F	E	I	S	I
I	F	B	E	E	Z	E	N	I	R	I	P
N	L	A	D	E	M	F	O	E	E	P	D
W	D	A	L	G	W	E	F	R	P	M	N
E	E	E	F	A	L	N	F	M	E	A	F
O	L	T	I	I	B	S	S	E	E	C	U
E	A	P	F	O	D	A	I	R	K	O	T
E	N	R	A	T	E	E	D	U	A	I	B
G	T	R	A	E	I	T	E	P	G	D	O
R	E	B	I	L	O	R	I	T	E	E	L
I	R	A	G	R	D	O	D	F	W	M	B
E	O	R	E	F	E	R	E	E	I	O	I

Futbol

Mediocampista

Offside

Delantero

Referee

Gozalo

FIFA

Keeper

Tiro liber

Bala

Defensa

Wega

> SUDOKU <

King Classic Sudoku

	3							
2			8	3				1
	8		7			5		
4			1		8		3	
	2		9			1	4	5
			2		4		6	8
	7	8						2
					1			
		9	3		7	4		6

Difficulty: ★★★ 4-20

Bisti bo Seatbelt

Varios hende herida den bringamento fuerte cu a tuma lugar na Palm Beach

ORANJESTAD (AAN): Recherche di Noord a cuminsa cu un investigacion serio relaciona cu un pelea grandi cu a keda registra riba Diaranson marduga na Palm Beach, cu a envolvi diferente hende local, y na final varios di nan a keda herida, incluyendo un turista inocente cu tambe tabata den e area.

Varios persona a trata di stop e pelea, pero indirectamente el



a sali malo pa nan, como cu nan tambe a come golpi durante e pelea aki.

Polisnan di Noord a mobiliza cu urgencia na e lugar, unda a

base di declaracion di testigo a haci por lo menos un detencion. Ambulance a wordo busca tambe, debi na algun persona cu a keda cu golpi y corta na nan curpa. Varios di nan a bay cu auto particular rumbo pa Servicio di Emergencia na Hospital.

Recherche ta investigando e causa di e pelea aki cu a sali for di man, pa asina atende cu esnan cu marduga ey tabata loco pa zwaai mokete.

Hari Un Tiki

Juanchito ta den klas y e menea a punte:

- "Juanchito, bisami un nomber di un descubridor".

Juanchito a contesta:

- "Abo, menea".

E docente a punte:

- "Pakico ami?"

Juanchito skerpi a bise:

- "Pasobra cada bez cu bo puntra algo, menea ta descubri cu nos no sa nada."

Solucion Anterior

7	9	8	2	4	5	1	6	3
6	2	5	8	1	3	4	9	7
1	3	4	7	6	9	2	8	5
2	1	6	3	5	8	9	7	4
8	7	3	1	9	4	6	5	2
4	5	9	6	2	7	3	1	8
9	8	2	4	7	1	5	3	6
5	6	7	9	3	2	8	4	1
3	4	1	5	8	6	7	2	9

Difficulty: ★★★ 4-19

EMERGENCIA NA ARUBA

Diahuebs 20 November 2025

DOCTER NA WARDA

SAN NICOLAS:
Pa San Nicolas, Docter lo ta na H.A.P. ImSan.
Docter tey for di 6'or di anochi te 10'or di anochi.

BOTICA NA WARDA

PARIBA DI BRUG:
Botica Sero Preto NV
Weg Sero Preto 25
Telefon 584-4833

ORANJESTAD:

Pa Oranjestad, Docter lo ta na Huisartsenpost H.A.P. na Hospital. Docter tey di 6:30 pm te cu 10:30 pm.

PABAO DI BRUG:

Botica Kibrahacha NV
Bubali 72
Telefon 583-4908

DIARIO

Loke Tempo ta Mostra....

• Atmosfera ta levemente instabil, debi na disturbio debil na nivelnan mas abao di atmosfera, y ta trece humedad pa region local. Esaki por pone algun nubia pasa bay, cu por produci localmente un awacero breve.

• Biento di Pariba entre 12 y 30 km/h, tin biaha te 39 km/h. Lama modera ta cu olanan di 3 pa 5 pia.

DEPORTE INTERNATIONAL

Suriname a perde pero por clasifica ainda pa Mundial via e asina yama Inter-confederation playoffs



Diamars anochi lamentablemente e seleccion di futbol di Suriname a perde su wega contra Guatemala 3-1 y asina nan no a logra clasifica directamente pa e Copa Mundial di 2026.

Suriname tabata perdi 3-0 y un auto gol di Guatemala a pone e score final na 3-1.

E gol ey tabata sumamente importante pa Suriname, pasobra door di

esaki Suriname hunto cu Jamaica a caba como e dos mihor di dos lugarnan den e gruponan di clasificacion di CONCACAF.

Door di esaki Suriname lo pasa pa e asina yama Inter-confederation playoffs, unda cu nan lo bataya cu Jamaica, Bolivia, New Caledonia, Republica Democratico di Congo y Iraq, pa dos lugar den e Mundial di Merca-Mexico-Canada.

Giannis ta bay perde 1 pa 2 siman cu un lesion di lies



MILWAUKEE: Strea di Milwaukee Bucks Giannis Antetokounmpo ta bay perde 1 pa 2 siman di accion debi na un lesion di lies, segun Shams Charania di ESPN.

Antetokounmpo a sufri e lesion Dialuna den e wega contra Cleveland Cavaliers cu Bucks a perde 118-116.

“Mi no sa di ki grado e lesion ta, pero

mi sa cu e no ta un lesion malo”, segun coach di Milwaukee Doc Rivers. “Esey ta bon noticia pa nos, pasobra Giannis lo perde solamente 1 pa 2 siman”, segun Rivers.

E ex MVL di NBA e temporada aki pa wega tin un average di 31.2 punto, 10.6 rebounds y 6.8 asistancia.

LeBron a bira e prome hungador den historia di NBA pa hunga den 23 temporada



LOS ANGELES: Diamars anochi LeBron James a hunga su prome wega di temporada y asina a kibra un record.

E delantero di Los Angeles Lakers a bira e prome hungador den historia di NBA pa hunga den 23 temporada.

James a perde e prome 14 weganan di su ekipo debi na un lesion y Diamars el a yuda Lakers gana Utah Jazz 140-125.

LeBron a hunga 29 minuut y a termi-

na cu 11 punto y 12 asistancia.

El a deleita e fanaticonan di Los Angeles cu su tremendo pasenan pa yuda otro hungadornan anota.

Luka Doncic a termina como maximo anotador pa Lakers cu 37 punto, 5 rebounds y 10 asistancia, mientras cu Austin Reaves a contribui cu 26 punto.

Maximo anotador pa Utah tabata Keyonte George cu 34 punto y 8 asistancia.

Grisham, Woodruff, Imanaga y Torres ta tuma oferta di clasificacion di 22.025 milyon dollar



MERCA: Hungador di outfield di New York Yankees Trent Grisham, pitcher drechi di Milwaukee Brewers Brandon Woodruff, pitcher surdo di Chicago Cubs Shota Imanaga y segunda base di Detroit Tigers Gleyber Torres tur a acepta e oferta di clasificacion di 1 año di 22.025 milyon dollar,

oferta.

Grisham temporada pasa den 143 wega a logra 34 homerun y 74 careda impulsa, mientras cu Woodruff a termina cu un ERA di 3.20, cu un average di 11.6 ponche pa cada 9 inning tira.

pa regresa cu nan ekiponan respectivo pa temporada di 2026.

E 13 hungadornan cu a ricibi ofertanan di clasificacion for di nan clubnan tabata tin te cu Diamars 4’or di atardi a acepta of rechasa e



Noticianan for di Hulanda

A mira entre 12 cu 20 drone ariba di compania di quimica y area di waf na Terneuzen



TERNEUZEN: Empleadonan di Dow Terneuzen y North Sea Port Dieldaluna a mira entre 12 cu 20 drone den e area di waf.

Nan a haci melding di esaki cerca polis.

Ta absolutamente prohibi pa bula ariba di e terenonan di Dow y e area di waf cu drones, sin permiso.


“Bo mester registra pa esaki adelantata”, segun vocero di North Sea Port Johan Bresseleers.

“Nos mester sa unda ta bula y cuanto”, segun e vocero.

Dialuna na final di atardi y trempan anochi empleadonan di seguridad di Dow a wak drones ta bula ariba di e parke di industria y esey ta un asina yama ‘no fly zone’, un vocero di e compania di quimica a splica.

Bula cu drones ariba di Terneuzen Industriepark segun Dow ta prohibi, pa proteha seguridad di hende, procesonan y infraestructura critico.

OM a existi 20 aña contra lider di gang di trafico humano di Eritrea



ZWOLLE: Ministerio Publico Dieraranson den corte na Zwolle a existi un castigo di prison di 20 aña contra Emanuel W. di 42 aña, kende ta wordo sospecha di ta lider di un gang hopi violento cu ta ocupa nan mes cu trafico humano.

W. di Eritrea lo a trafica paisanonan na gran escala for di Libya pa Europa.

E lo a gana placa grandi cu esaki.

Pa loke ta grandura y seriedad di e caso, esaki ta un caso enorme, segun e fiscal encarga cu e caso.

Victimanan tabata wordo wanta den campnan den circunstancianan horrible y segun testigonan, varios hende a muri den e campnan aki.

Andres R. a dal su casa Shanesca (34) mata cu martiew



VELDHoven: E casa di Shanesca di Veldhoven a al e asina tanto biaha cu un martiew na su cabes, cu el a muri.

Esaki a sali na cla durante tratamento cortico di e caso den corte di Den Bosch.

E pregunta grandi den e proceso contra Andres R., kende a nace na Colombia y a wordo adopta pa


mayornan Hulandes, ta bay ta te con leu e tabata sa kico e tabata haci y si su actonan tabata planea.

Un psikiatra y un psicologo ta investigando actualmente e estado mental di Andres.

Shanesca kende tabata tin 34 aña, a wordo haya morto Diabierna 8 di Augustus den su cas na Leemstbroek den Veldhoven.

Decenas di cisne cu griep di pahra den area di naturalesa na Den Haag

*Nan ta sufri hopi



LEIDSCHENDAM: Den area di naturalesa Nieuwe Driemanspolder entre Den Haag y Zoetermeer den e ultimo simannan por lo menos 25 cisne a wordo haya cu griep di pahra. Alrededor di 20 di nan a wordo haya ta drief morto den awa.

E otro 5 tabata bibo ainda, pero nan a

haya un inyeccion.

Dierenambulans ta teme cu e cantidad di cisne morto den e area lo redobla. Segun director Inez de Ligt di Stichting Nationale Dierenzorg, bao di cual dierenambulans a cay, e pahranan ta muri si nan haya griep di pahra.

NEW MOVIES NOV 20TH

FIND MOVIE TIMES
THEMOVIESARUBA.com




THE MOVIES
* PRINCIPAL
* RENAISSANCE

GLORIA
movies dining entertainment play



PLAYDATE
PG13



WICKED FOR GOOD
PG

Muchanan di Colegio Santa Famia a haya charla encuanto diabetes



ORANJESTAD (AAN): Den cuadro di Dia Mundial di Diabetes (14 di november), Aruba One Happy Island

Lions Club, den colaboracion cu POH (Praktijkondersteuners Huisartsenzorg), a brinda diahuebs mainta un charla educativo y interactivo na klas 4 y 5 di Colegio Santa Famia na Pos Chiquito.

E actividad educativo tabata dirigi na estudiante-nan di enseñanza primario, cu e meta pa: (*) Aumenta conocimiento basico riba diabetes. (*) Splica e diferencia entre diabetes tipo 1 y tipo 2. (*) Enfatiza importancia di estilo di bida saludabel. (*) Motiva muchanan pa tuma decision cu por preveni diabetes tipo 2.

Durante e sesion, e presentacion a sigui e metodologia di IDF KiDS,

adapta pa scolnan, y tabata inclui un dinamico Kahoot educativo pa stimula participacion y comprension. Muchanan a participa cu entusiasmo y a mustra gran interes den e topico.

Na final e alumnonan a ricibi un appel cu e mensahe: “Bo mes tin di cuida bo curpa. Come mas fruta, bebe awa, y move bo curpa pa preveni diabetes”, y tambe un foyeto cu informacion tocante diabetes.

Aruba One Happy Island Lions Club ta expresa su profundo agradecimiento na e expertonan di POH, pa nan presentacion claro, accesibel y adapta na nivel di estudiante, tambe Colegio Santa Famia, pa nan colaboracion y apertura, Hilton Aruba Hotel y Riu Hotel, pa nan apoyo y cooperacion, y tambe BID, pa nan contribucion y asistencia.



Aruba One Happy Island Lions Club ta reafirma su compromiso cu educacion, conscientizacion y prevencion den comunidad. Por medio di proyecto como e charla educativo aki, nos ta traha pa prepara un generacion cu tin mas conocimiento riba riesgonan di diabetes y pa stimula un estilo di bida saludabel.

Noticia Internacional

No ta contento cu e 'transparencia' den e certamen...

Awor ta dos persona a dicidi na retira como hurado di e certamen di Miss Universe

BANGKOK: Mas escandalo ta sigui sacudi e certamen di Miss Universe cu ta casi finaliza na Thailandia, y awor ta dos hurado a dicidi na retira y indica cu nan lo no sigui funciona mas como tal.

Y loke ta pasando ta ponien- do hopi hende perde smaak di sigui e certamen mas di cerca. Awor tin acusacion ta skeiro, cu lo tin algun hurado secreto kendenan pa colmo ta funcio- nando na forma no-etico, como cu nan lo tin contacto of relacion "cu algun candidata".

E acusacion ey a wordo haci door di e hurado Omar Harfouch, kende ta un musico Libanes-Frances cu a anuncia oficialmente cu e no kier fungi mas como un di e 8 miembronan di hurado, bisan- do cu el a bin descubri cu nan a forma un "hurado impro- visa" cu a pre-selecta finalis- tanan prome cu e certamen mes.

Pa colmo algun ora despues, e famoso futbolista frances, Claude Makelele tambe a bin dilanti y divulga cu e kier reti- ra mesora como hurado, y su motibo exacto no a wordo duna, y a djis bin cu e storia ta "pa motibo personal".

E doble retiro aki ta bin ape- nas dos siman despues di e confrontacion mahos den Ballroom ora cu e president di



— Hurado Harfouch.



— Hurado Makelele.

certamen publicamente a yama e candidata di Miss Mexico como 'dom', cu a produci un walkout di diferente candidata, incluyendo e ganadora di 2024 di Miss Universe.

"Un hurado improvisa a wordo forma den secreto pa selecta 30 finalista di e 136 candidatanan di rond mundo, sin presencia di uno di e ocho miembronan di hurado di berdad, incluyendo ami," ta loke Harfouch a bisa.

E hurado ey el a bisa, ta con-

sisti di "individuonan cu gran potencial conflicto di interes debi na algun relacion personal cu nan tin cu algun di e candidatanan." Pesey el a dicidi na retira pasobra e ta nenga di participa den e 'show falso' aki, despues di un combersa- cion cu no a bay bon cu e doño di certamen, esta Raul Recha. Hurado Harfouch ta acusa e certamen di tin transparenencia den e proceso di votamento. Certamen ta Diahuebs 20 November pa 9:00 pm (ora di Aruba).

Container a yega Puerto Rico cu riba 530 kg cocaina fo'i Rep. Dominicana

SAN JUAN: Oficialnan di US Customs and Border Protection cu sede na San Juan na Puerto Rico, ta esnan cu a confisca un cargamento di 530 kilo di cocaina, durante tres accion di contriol riba un barco di carga cu a yega dia 11 di November na Puerto Rico, procedente di Republica Dominicana. E droga aki cu tin un balor riba caya di mas di 10 milyon Dollar, tabata scondi den e chassis modifica di container, y tambe saconan grandi cu tabata scondi mey- mey di cargamentonan cu palet.

E droga a wordo haya abor- do di e barco M/V Lyktos, cu a yega San Juan procedente di Santo Domingo. Ora cu e barco a yega, e team di CBP Anti-Terrorism Contraband Enforcement, a haci un con-



trol di rutina. Durante inspec- cion di container, e oficialnan a bin descubri iregularidadnan den diferente chassis, y esey a hala nan atencion pa haci un investigacion mas profundo.

Asina a logra habri e chassis y a bin topa nan cu un fondo falso yena cu paki di cocaina.

"E accion aki ta demonstra e

vigilancia, experticio, y profe- sionalismo di nos oficialnan di CBP," ta loke Roberto Vaquero a bisa, kende ta director di field operations pa e oficina di San Juan. "Contrabandistanan cada biaha ta adapta nan metodonan, pero nos team ta sigui investiga tur skina. Uzando tecnologia avanza, cu animalnan K-9, y experticio di e oficialnan aki, nan ta logra stop droganan peligroso na frontera di Caribe prome cu e drenta den continente Americano.

El a bisa cu e oficialnan di CBP tin un strategia multi- nivel pa haci e trabao, incluyendo inteligencia, tec- nologia pa yuda detecta, cachonan K-9 altamente entrena, y otro capacidadnan pa por combati tur esaki.

NOTICIA FOR DI COLOMBIA

CAPTURA DI 6 TON MARIHUANA NA MEDELLIN

MEDELLIN: Autoridadnan di Medellin, a captura den pueblo Girardota na parti noordoost di e ciudad, un carga-



mento di 6 ton di marihuana cu tabata wordo transporta pa un truck horta. E truck a sali for di zuidwest di Colombia cu destino Medellin, pasobra esaki ta droga fresco pa wordo bendi riba caya eynan. E droga ta pertenece na e gang 'Los Chatas'. Polis taba-

ta track e truck cu a wordo raporta como horta. A detene seis miembro di Los Chatas, y tambe confisca 5 arma di candela, 6 peña cu bala, 57 bala, 6 smartphone, 3.7 milyon Pesos cash, y a confisca seis vehiculo en total.

TRES TON COCAINA HAYA DEN BODEGA BAO TERA

RIOHACHA: Na un bodega bao tera den zona rural di Uribia na departamento di La Guajira, Polis a logra des-



cubri y confisca un total di 3.410 kilo di cocaina, cu ta pertenece na grupo Carlos El Puerco, cu ta opera den region di

Catatumbo. E droga tabata scondi eynan, wardando nan turno pa wordo hiba na costa, unda nan lo ser poni den speedboat tipo Go-Fast pa wordo hiba pa Centro America of Noord America. En total a haya 2.963 paki di droga

NOTICIA FOR DI VENEZUELA

NACIONNAN UNI DISPUESTO PA INTERMEDIA AWOR

CARACAS: Riba Diamars, Nacionnan Uni a trece indi- cacion cu nan lo kier habri chens pa start un dialogo entre



Merca y Venezuela, y a ofrece un "bon iniciativa", aunke nan sa cu ningun di e dos banda a duna señal cu nan kier pa e organizacion inter- nacional ta involvi su mes como mediador den nan disputa. Vocero

di Secretario General, esta Farhan Haq, a responde riba preguntanan di president Donald Trump di Merca, kende a bisa cu e no ta descarta un intervencion na Venezuela awor cu e presencia militar ta grandi den Lama Caribe, y atacando botonan di narcotraficantenan cada rato.

HOMBER A BATI SU YIU CHIKITO NA FORMA BRUTAL

CIUDAD GUAYANA: Danki na investigacion rapido haci door di detectivenan di Polis Ciepc, cu nan sede di



Ciudad Guayana, nan a logra detene e homber Jaxon Miguel Rodriguez Cleman di 30 aña, den sector Guaiparo di munici- pio Caroni na estado Bolivar, pa e trato cruel y brutal cu su propio

yiù muhe chikito di 7 aña di edad. A sali na cla cu e homber tin costumber di maltrata e mucha na forma ver- bal y fisico, pa problemanan di bida, ademas e ta bisa cu su yiu muher ta desobedece. E biaha aki el a dal e mucha uzando su moketenan y tambe un pida tubo diki, y a laga e mucha cu varios contusion na varios parti di su curpa..

Pa chica Pos - Habri tubería y wc.
Servicio lihe y confiabel.
 Experiencia ta manda
CICLONE
 Septic Tank Service
Tel: 564-0607 / 734-0607

WASMACHINE
 Ta drecha wasmachine,
 dryer, stoof, forno.
 Ta drecha, service y instala
 airco. Tel: 742-2518.
 Ta drecha na cas mes.

SUSHI
 Nos ta lanta sushi di cura
 lage limpi limpi mane un
 soño. Pa solamente 50,- y
 Ecotech ta apart. Yama nos
 na 592-5766 of 561-5179
 Arubiano trahado.

TA CHAPI
 Corta mata.
 Ta tira sushi afo. Nos
 ta hardineria completo
 na super bon prijs.
 Tel: 569-8003

CONSTRUCCION
REMODELACION
 Nos ta traha y drecha tur sorto
 di dak: shingle, eterniet, panchi,
 zink. Pega bloki, tegels, plafond,
 pleister, pone porta, lanta cura,
 basha vloer, construccin di cas
 y apto bon prijs. Free quotation.
 Tel: 561-2137

TA CHAPI
 tira sushi afo y
 transporte.
 Cel: 594-5115

TA BENDE
 1 matras sarta di 2
 persona nobo nobo,
 Afl.600,-
 Cell: 560-5991

ASSOCIATED REALTORS
 TA BENDE
 Un cas tipo duplex na Sabana
 Liber Villas di 2 camber y 1
 baño, tereno propiedad y pa
 Afl.275.000,00.
 Yama Mito na 593-6318

ASSOCIATED REALTORS
 TA BENDE
 Un cas espacioso di 5 camber
 y 2 baño na Huronstraat/
 San Nicolas, fixer upper,
 construi 285 m², tereno 486 m²
 y pa Afl.420.000,00.
 Yama Mito na 593-6318

ASSOCIATED REALTORS
 TA BENDE
 Un cas di 3 camber cu 13 apts
 y 1 oficina na Madiki, construi
 679 m², tereno propiedad 897
 m² y pa \$1.3 mlj. Yama Mito
 na 593-6318 pa mas info.

DIARIO
 Pa noticia, cumpleaños,
 comentario, redaccion:
noticia@diario.aw
Tel: 582-6747

No ta di acuerdo cu e sistema di 'greenhouse' cu Gobierno ta planea pa introduci

ORANJESTAD (AAN): Cunukero, señora Kinsasha Thielman-van Der Blik den entrevista cu DIARIO a splica cu e no ta di acuerdo cu e sistema cu Gobierno di Aruba ta planea pa introduci pa Aruba. Segun Thielman-van Der Blik, e sistema aki no ta bon. El a bisa cu apesar cu Gobierno a habri un destaho publico den maneho transparente, na Aruba no tin e experticio den e tipo di greenhouses cu Gobierno kier desaroya.

Bisando esaki, señora Thielman-van Der Blik a expresa cu e destaho aki ta bay wordo

otorga na un compania di afo cu tin e experticio pa e tipo di greenhouses aki mientras cu na Aruba tin expertonan riba otro tipo di greenhouses.

Por lo tanto, señora Thielman-van Der Blik ta kere cu e destaho publico aki ta na desventaha di Arubianonan y companianan local. Varios compania local a participa na e destaho publico pero ta core masha poco chens pa gana door di e experticio avansa di companianan di afo.

Pa hopi aña expertonan Arubiano a traha nan propio greenhouses y ta cultiva exitosamente. Señora Thielman-



van Der Blik a indica cu Gobierno kier trece ful un otro proyecto nobo cu tecnologia nobo y diferente. E Minister encarga ta considera e raport na unda ta sugeri si e proyecto lo ta factibel y ta genera entrada. Tambe ta considera e diseño tecnico di infraestructura di e proyecto aki. Sinembargo, Thielman-van Der Blik ta bisa, e minister a lubida di informa e efecto cu

e proyecto aki tin riba medio ambiente.

Thielman-van Der Blik a remarca cu agricultornan no ta mucho contento cu e hecho cu ta bay haci 100mil meter cuadra di tera fertil completamente steril pa e greenhouses nan aki. E tereno grandi aki, Thielman-van Der Blik a expresa, lo kita posibilidad pa mas agricultor haya pida tereno pa nan planta.

E formula cu St. Franciscus College ta uza pa promove como scol saludable si ta dunando bon resultado



ORANJESTAD (AAN): Scol basico St. Franciscus College na Madiki, desde 2018 ta parti di scol saludabel. E meta ta pa no solamente haci alumnonan mas saludabel, sino tambe e mayornan, y maestronan. Esaki ta purba logr'e den diferente manera, segun señor Nathan Nico-

laas, docente di movimiento y salud di e scol. St. Franciscus College a scoge pa promove e parti social emocional na alumno, docente y mayornan.

Señor Nicolaas a remarca cu e scol ta hopi positivo cu e proyecto aki. Ta uza cualkier herment y ayudo pa yuda e muchanan di scol den e proceso pa biba mas saludabel. E scol ta stimula muchanan bebe hopi awa durante nan ta na scol y na cas. Ta stimula nan pa move mas, haci deporte. Y ta stimula nan pa semper como saludabel, tanto na scol como na cas.

Desde 2018 pa awo, a nota hopi cambio den e muchanan. St. Franciscus College ta un scol ehempel pa otro scolnan cu tambe a cuminsa checuta e plannan cu St. Franciscus College haci. "E formula aki cu St. Franciscus College ta uzando ta dunando bon resultado", señor Nathan Nicolaas a duna di conoce.

Comentario

Curaçao den Mundial di Futbol 2025 ta un logro historico

Bon pa e islanan ABC y henter Reino

Skirbi pa: Mercedes Monge

Mi ta hopi contento cu e logro di e Seleccion di Curacao, cu a clasifica pa e Mundial di Futbol 2026. Mi tin un amor sumamente special pa e Isla aki, unda mi a biba 13 aña largo y ta e cuna di mi dos yiu, cu a nace eynan, y recuerdonan bunita y gratitud so mi tin di nos bida na Curacao.

Asina ta cu den mi curazon Curacao ta ocupa un bon, bunita y respeta lugar. P'esey mi ta hopi contento cu e pais chikito aki, pero grandi tambe den su soñonan y anhelonan, ta parti di e universo futbolistico cu lo bay defende un lugar den e mundial di 2026, cu ta enberdad, manera cantidad di hende ta expresa, un logro historico pa e Islanan ABC y henter Reino.

Mi a wak un programa cu a yena mi di emocion, ora mi a mira con na scolnan juffrouw y meneernan, hunto cu alumnonan tabata di fiesta for di den dia caba, bisti na blauw, cu e bandera di Curacao tur skina, y yen di globo blanco cu blauw dorna tur caminda, anima cu musica y hasta muchanan cantando pa nan isla. Un energia positivo y autentico sin igual, celebrando un soño cu a bira realidad.

Mi ta felicita Curacao y su pueblo, y claro tur "yiu di tera" cu ta biba aki na Aruba, y ta desea pa un resultado espectacular den e mundial, pasobra e talento tey, e bon hungadornan tey, y manera nan logo ta bisa: "Dios prome y Curacao su tras".



TA BENDE

Lei pa mesa billiard di 7 pia
 Afl.500,- / di 8 pia Afl.600,- /
 di 9 pia Afl.700,-
 Ta vende speakers 40W pa
 solamente Afl.50,-
 Llama cell: 568-1122

AIRCO REPAIR SERVICE

Cooler, stove, forno, dryer,
 refrigerador, ice maker,
 wasmachine, freezer,
 walk-in cooler, walk-in freezer.
 Tel: 747-7987 / 749-4232
 anytime.

VENDO

Chevrolet Aveo en
 buena condicion
 llanta nuevo Afl.5000,-
 Tel: 567-1910

AMC UNICON CASHLESS BLACK FRIDAY

10% OFF

ALL TCL PRODUCTS ON CREDIT

TCL

NOW WHEN YOU SHOP, GET CREDIT AT THE CASH PRICE
25% OFF YOUR INTEREST RATE ON ALL PLANS

PLUS | **FREE DELIVERY**
FOR CREDIT CUSTOMERS
LIMITED TIME. SHOP NOW.

NO HIDDEN FEES | NO COLLATERAL | APPROVAL IN 24 HOURS


SAVE AWG 51
32" 4K
**TCL 4K QLED
SMART TV 32S5KA**
NOW AWG 299

WAS AWG 349.99

MONTHLY WAS: 34 | MONTHLY NOW: 23


SAVE AWG 101
43" 4K
NOW AWG 599

WAS AWG 699.99

MONTHLY WAS: 50 | MONTHLY NOW: 37


SAVE AWG 301
75" 4K
NOW AWG 1599

WAS AWG 1899.99

MONTHLY WAS: 66 | MONTHLY NOW: 50


SAVE AWG 301
55" 4K
NOW AWG 899

WAS AWG 1399.99

MONTHLY WAS: 82 | MONTHLY NOW: 64


SAVE AWG 401
65" 4K
NOW AWG 999

WAS AWG 1399.99

MONTHLY WAS: 82 | MONTHLY NOW: 64


SAVE AWG 200
**TCL 18000 BTU INVERTER
AIR CONDITIONER TAC-18CSA/20-K202 ID**
NOW AWG 1099.99

WAS AWG 1299.99

MONTHLY WAS: 45 | MONTHLY NOW: 39


SAVE AWG 251
**TCL 24000 BTU INVERTER
AIR CONDITIONER TAC-24CSA/20-K202 ID**
NOW AWG 1399

WAS AWG 1649.99

MONTHLY WAS: 45 | MONTHLY NOW: 39


SAVE AWG 200
**TCL 12000 BTU INVERTER
AIR CONDITIONER TAC-12CSA/20-K202 ID**
NOW AWG 749.99

WAS AWG 949.99

MONTHLY WAS: 45 | MONTHLY NOW: 39

Promotion Ends November 22nd, 2025. Conditions Apply.



569-2407
AMC EAGLE MEGASTORE

HORARIO: 9am - 6pm DIALUNA PA DIASABRA



UNICEF den e Dia Mundial di Mucha awe, 20 di November Infancia y hubentud: agentenan poderoso di cambio pa construi un mundo miho pa un y tur



ORANJESTAD (AAN)—Dia 20 di November ta un fecha anual cu, practicamente, no ta pasa sin nota y menciona, internacionalmente: E Dia Internacional di e Derechonan di Mucha.

UNICEF: “E infancia y e hubentud ta agentenan poderoso di cambio, nan ta aporta ideanan nobo y perspectivanan cu por yuda construi un mundo miho pa un y tur”.

“Ta mi dia, mi derechonan” E Dia Mundial di Mucha ta un dia cu UNICEF ta dedica na e accion pa e mucha homber y mucha muher, na escala internacional, y ta conmemora e adopcion di e Convencion di e Derechonan di Mucha, dia 20 di November 1989. Den henter mundo e muchanan ta

lanta y ta conta nan bida, speranza y derechonan.

Na henter mundo, ora solo ta sali, e muchanan ta lanta den un mundo cu ta fruto di decisionnan cu nan no a tuma. Pero tambe ta lanta cu derechonan: na wordo proteha, na siña y na expresa nan opinion.

Momento a yega di scucha e mucha y hobenan, di compronde con nan ta biba, y di ki manera nan derechonan ta wordo respeta, ta wordo vulnera, of ta wordo defende dia pa dia.

E Convencion, esun mas universal di tur e tratadonan internacional, ta establece un serie di derechonan pa e muchanan sin distincion di genero, inclui den dje esnan relativo na bida, salud, educacion, recreacion, bida familiar, proteccion enfrente di e violencia y discriminacion, y na nan bos cu mester wordo scucha, nan opinionnan mester wordo tuma na cuenta.

Tur e miembronan di nos sociedad, mayornan, personal docente, personal sanitario, dirigentenan gubernamental, lidernan religioso, figuranan politico, e mundo empresarial, sociedad civil, y medianan di comunicacion, ta desempeña un papel clave den e bienestar di e Infancia.

“Asina aki, e Dia Mundial aki ta ofrece nos un punto di partida pa realiza medidanan inspirado pa defende, promove, y celebra e derechonan di mucha (y hoben) atravez di dialogo y accionnan cu lo construi un mundo miho pa nos muchanan”, mensahe di UNICEF.

DIARIO ta desea tur mucha na mundo y nos muchanan un feliz Dia cu ta conmemora nan derechonan y como Dia Nacional di nos muchanan na Aruba.

Atletanan a pasa nan examen di Black Belt di Tang Soo Do



ORANJESTAD (AAN): Aruba Tang Soo Do Federation y Gihae Tang Soo Do Studio kier felicita cordialmente su alumnonan cu a logra pasa nan examen exitosamente di Black Belt 1ste Dan y 2de Dan, diasabra 8 di November 2025.

Alina van Oosten a pasa su examen pa Black Belt 2de Dan, hunto cu seis alumnonan cu a logra pasa nan examen pa Black Belt 1ste Dan: Nancy Kelly, Daphne van der Deure, Kylee Thomas, Ava Figaroa, Daniël Cabenda y Shantwan Kock.

E alumnonan a com-

pleta un examen di teoria y filosofia di Tang Soo Do, sigui pa un examen practico cu un duracion di 5 ora intensivo. Na final di e examen practico, cada participantenan tabata mester defende su scriptie, un parti esencial di e proceso pa Black Belt.

Aki 6 luna despues di un tempo di prueba e atletanan lo ricibi nan resultado y nan certificado y faha di nan examen.

Nan kier felicita di curason tur nos alumnonan pa nan tremendo esfuerso y disciplina riba vloer, y tambe nan mayor y famia cu semper ta

sostene nan yiunan den e deporte di Tang Soo Do. Masha, masha pabien cu un logro asina grandi y a muestra e berdadero Spirito Indomabel di Tang Soo Do!

Tambe Gihae Tang Soo Do Studio ta gradici sinceramente su instructornan Sah Bum Nim Melissa Noguera, Bo Sah Bum Nim Aymon Kelly, y Bo Sah Bum Nim Rodney Thomas pa nan dedicacion y apoyo constante den e preparacion pa e examen aki, asina como tur e team di Black Belt cu a yuda durante e trainingnan y e examen mes.